

ՀԱՅԱՍՏԱՆՈՒՄ ԿԻՒԿՅԱՆ ԴՐԱՄԱՇՐՋԱՆԱՌՈՒԹՅԱՆ ԱՌԹԻՎ

Ուրախությամբ է, որ ի վերջո Կիլիկիայի հայկական դրամները բնության առարկա են դառնում մեզանում ես: Այդ դրամների բնության կարիքը գնալով մեծանում է: Սակայն իմ այս նամակը նշատակ ունի սխալներից ղերծ պահելու հրատարակվող հոդվածները: Խոսքը վերաբերում է ամսագրի 1985 թ. № 11-ի մեջ (էջ 54—58) տպված «Կիլիկիան հայկական դրամների շրջանառությունը Հայաստանում» վերնագիրը կրող հոդվածին: Իրողությունն այն է, որ հոդվածագիրները (Հ. Սարգսյան, Մ. Կարապետյան) վկայակոչում են Հայաստանում եզակի օրինակներով գտնված Կիլիկիան հայոց դրամներից բնականորեն վերջնական և շանում են փաստել դրանց շրջանառության հավանականությունը Հայաստանում XIII—XIV դարերում:

Հստակ է, որ դրամագիտական տվյալներով դրամական շրջանառության հարցերը կարող են առաջ բաշխվել, եթե առկա են՝ 1. դրամների տարածման մասնաշաղկապությունը, 2. շերտագրված պեղածո դրամները, 3. դրամական զանգվածը՝ բաղկացած ինդրա առարկա դրամներից: Երբ հիշյալ տվյալները բացակայում են, ապա անկարելի է խոսել շրջանառության մասին:

Եվ այսպես, վկայակոչված դրամներից միայն մեկն է արծաթ, որը միջազգային առևտրում կարող էր ընդունվել ամենուրեք, սակայն այդ մեկ հատիկը պատահական երևույթ է և, Մեծ Հայքում տարածված լինելու մասնաշաղկապ բնույթ չկրելով, հնարավորություն չի բնականորեն դատելու Հայաստանի և Կիլիկիայի միջև եղած դրամական կապի մասին:

Ինչ վերաբերում է հինգ պղնձե դրամներին, ապա դրանք ևս մասնաշաղկապ տարածում չեն ունեցել, բացառությամբ մեկի: Մնացած չորսը գուրկ են պեղումների շերտադրության լիարժեք տվյալներից. հետևապես, մեծում են դասելի պատահական օրինակների շարքը: Ավելին, շուրջ հինգ հարյուր տարիների ընթացքում մայր Հայաստանում, ինչպես նաև Հայաստանին մերձակա անդրկովկասյան շրջաններում չեն հայտնաբերվել դրամական զանգված կամ բնույթ և մեկ դրամական զանգ՝ բաղկացած Կիլիկիայի հայկական դրամներից, կամ որևէ դրամական դանձ, որի կազմում եղած լինեին Կիլիկիայի հայոց թագավորության դրամների նմաններ, անդամ՝ մեկ հատիկ դրամ: Նշանակում է, մասնագիտական առումով հոդվածը դրամների «շրջանառություն» գնահատանքով վերնագրելը հեռու է նիմնավոր լինելուց: Հայտնի է նաև, որ Կիլիկիայում լեռն Առաքիների և նրա հաջորդների օրոք արծաթե դրամները թողարկվում էին զանգվածներով: Հայաստանում այդ ժամանակներում (XIII—XIV դարերում) շրջանառության մեջ էին մոնղոլական, Փոքր Ասիայի սելջուկյան, հուլաղայան ու շեյխիդյան արծաթե դրամները: Այդ դրամական խմբերի մեջ Կիլիկիան ծագում ունեցող հայկական արծաթե դրամներից միավորներ դեռևս չեն հայտնաբերվել: Հետևապես, Կիլիկիայի հայկական դրամների՝ Հայաստանում և Անդրկովկասում ունեցած «շրջանառություն» մասին դատելն այդ առումով ևս գուրկ է հիմքից:

ԽԱՉԱՏՈՒՐ ՄՈՒՇԵՂՅԱՆ

Հայաստանի պատմության պետական
թանգարանի դրամագիտության բաժնի
վարիչ, պատմական գիտությունների
դոկտոր